

經籍典第三百七十五卷

漢書部彙考一

後漢

明帝永平 年使班固叙漢書 按後漢書明帝本紀不載 按天文志孝明帝使班固叙漢書

按班固叙傳固弱冠而孤永平中爲郎典校祕書專篤志於學以著述爲業故探纂前記綴輯所聞以述漢書 按齊武王傳臨邑侯復好學能文章永平中與班固賈逵共述漢史傳毅等皆宗事之

和帝永元 年詔班昭就東觀成漢書 按後漢書和帝本紀不載 按列女班昭傳兄固著漢書

其八表及天文志未及竟而卒和帝詔昭就東觀藏書閣踵而成之帝數召入宮令皇后諸貴人師事焉號曰大家每有貢獻異物輒詔大家作賦頌及鄧太后臨朝與聞政事以出入之勤特封子成關內侯官至齊相時漢書始出多未能通者同郡馬融伏於閣下從昭受讀後又詔融兄續繼昭成之

安帝永初 年命劉珍劉騶除張衡等作漢記 按後漢書安帝本紀不載 按張衡傳衡字平子

南陽西鄂人也徵拜尙書永初中謁者僕射劉珍校書郎劉駒駘等著作東觀撰集漢記因定漢家禮儀上言請衡參論其事會並卒而衡常歎息欲終成之及爲侍中上疏請得專事東觀收檢遺文畢力補綴又條上司馬遷班固所叙與典籍不合者十餘事又以王莽本傳但應載篡事而已至於編年月紀災祥宜爲元后本紀又更始居位人無異望光武初爲其將然後卽眞宜以更始之號建於光武之初書數上竟不聽

梁

元帝承聖 年注漢書一百十五卷 按梁書元帝本紀帝所著注漢書一百五十卷

唐

太宗貞觀 年顏師古注漢書上之 按唐書太宗本紀不載 按儒學顏師古傳太宗卽位拜中

書侍郎五經旣成拜祕書少監爲太子承乾注班固漢書上之賜物二百段良馬一

高宗乾封 年劉訥言以漢書授沛王 按唐書高宗本紀不載 按儒學敬播傳劉訥言乾封中

歷都水監主簿以漢書授沛王王爲太子擢訥言洗馬兼侍讀

宋

太宗淳化五年七月詔陳充等校前漢書

按宋史太宗本紀不載

按玉海淳化五年七月詔選

官分校史記前後漢書陳充阮思道尹少連趙況趙安仁孫何校前後漢書

淳化 年以前漢書付有司摹印

按宋史太宗本紀不載

按文獻通考石林葉氏曰唐以前凡

書籍皆寫本未有摹印之法五代時馮道始奏請官鑄板印行國朝淳化中復以史記前後漢付有司摹印自是書籍刊鏤者益多

眞宗景德元年正月命刁衍等覆校前漢書

按宋史眞宗本紀不載

按玉海景德元年正月丁

未命刁衍晁迥丁遜覆校前漢書

景德二年七月刁衍等上覆校前漢書板本

按宋史眞宗本紀不載

按玉海景德二年七月壬

戌刁衍等上覆校前漢書板本刊正三千餘字錄爲六卷上之賜器帛

大中祥符八年八月上讀漢書作漢書詩三首

按宋史眞宗本紀不載

按玉海大中祥符八年

八月甲申作前漢書詩三首并註賜羣臣屬和其讀十九史也起八年七月辛未成於天禧元年二

月辛未

仁宗景祐元年詔選官校正前漢書 按宋史仁宗本紀不載 按玉海景祐元年詔選官校正前漢書

景祐二年詔張觀刊定前漢書下冑監頒行以余靖所上漢書刊誤三十卷摹板 按宋史仁宗本紀不載 按玉海景祐二年九月壬辰詔翰林學士張觀刊定前漢書下冑監頒行初祕書丞余靖請刊正前漢書因詔盡取祕閣古本對校踰年乃上漢書刊誤三十卷至是改舊摹板 按文獻

通考石林葉氏曰余襄公靖爲祕書嘗言前漢書本謬甚詔與王原叔同取祕閣古本參校遂爲刊誤三十卷 按漢書評林景祐二年祕書丞余靖上言案顏師古叙例云班固漢書舊無注解唯

服虔應劭等各注音義自名其家至西晉晉灼集爲一部凡十四卷頗以意增益時辯二學當否號曰漢書集注永嘉之亂此書不至江左有臣瓚者莫知氏族考其時代亦在晉初又總集諸家音義稍以己見續廁其末持摭前說多引汲冢竹書凡二十四卷分爲兩帙凡稱集解音義卽其書也蔡謨全取此書散入衆篇自是以來始有注本至唐太宗時皇太子承乾命顏師古更加刊整刪繁補

略裁以己說儒者服其詳博遂成一家總先儒注解名姓可見者三十五人而爵里年代史闕載者殆半考其附著及舊說所承注釋源流名爵年次謹條件以聞望行刊於本書之末庶令學者啟卷具知

神宗熙寧二年八月趙抃進新校漢書 按宋史神宗本紀不載 按玉海熙寧二年八月六日庚子參政趙抃進新校漢書及陳繹所著是正文字七卷賜繹金帛

寧宗嘉定四年徐天麟表進所編西漢會要詔藏祕閣 按宋史寧宗本紀不載 按玉海嘉定四年九月徐天麟表進所編西漢會要七十卷目錄二卷總爲十五門分三百六十有七事十一日丁卯有旨藏祕閣三館看詳謂詳於西漢而略於東都猶爲缺典

金

廢帝天德三年置國子監前漢書用顏師古注自國子監印之授諸學校 按金史廢帝本紀不載 按選舉志凡養士之地曰國子監始置于天德三年前漢書用顏師古注皆自國子監印之授諸學校

世宗大定六年進所譯西漢書詔頒行之 按金史世宗本紀不載 按徒單鑑傳大定四年詔以女直字譯書籍五年翰林侍講學士徒單子溫進所譯貞觀政要等書六年復進史記西漢書詔頒行之

漢書部彙考二

後漢班固漢書百篇 按固叙傳固以爲唐虞三代詩書所及世有典籍故雖堯舜之盛必有典謨之篇然後揚名於後世冠德於百王故曰巍巍乎其有成功煥乎其有文章也漢紹堯運以建帝業至於六世史臣乃追述功德私作本紀編於百王之末廁於秦項之列太初以後闕而不錄故探纂前記綴輯所聞以述漢書起於高祖終於孝平王莽之誅十有二世二百三十年綜其行事旁貫五經上下洽通爲春秋考紀表志傳凡百篇其敘曰 皇矣漢祖纂堯之緒實天生德聰明神武秦人不綱罔漏於楚爰茲發迹斷蛇奮旅神母告符朱旗迺舉粵蹈秦郊嬰來稽首革命創制三章是紀應天順民五星同晷項氏畔換黜我巴漢西土宅心戰士憤怨乘釁而運席卷三秦割據河山保此懷民股肱蕭曹社稷是經爪牙信布腹心良平龔行天罰赫赫明明述高紀第一 孝惠短世

高后稱制罔顧天顯呂宗以敗述惠紀第二高后紀第三 太宗穆穆允恭元默化民以躬帥下

以德農不供貢舉不收奴宮不新館陵不崇墓我德如風民應如草國富刑清登我漢道述文紀第

四 孝景蒞政諸侯方命克伐七國王室以定匪怠匪荒務在農桑著於甲令民用寧康述景紀

第五 世宗矚矚思弘祖業疇咨熙載髦俊並作厥作伊何百蠻是懷恢我疆宇外博四荒武功

既抗亦迪斯文憲章六學統壹聖真封禪郊祀登祭百神協律改正饗茲永年述武紀第六 孝

昭幼冲冢宰惟忠燕蓋講張實窳實聰舉人斯得邦家和同述昭紀第七 中宗明明實用刑名

時舉傳納聽斷惟精柔遠能邇輝耀威靈龍荒慕朔莫不來庭丕顯祖烈尙於有成述宣紀第八

孝元翼翼高明柔克賓禮故老優繇亮直外割禁罔內損御服離宮不衛山陵不邑闔尹之諧穢我

明德述元紀第九 孝成煌煌臨朝有光威儀之盛如圭如璋壹闡恣趙朝政在王炎炎燎火亦

允不陽述成紀第十 孝哀彬彬克檻威神彫落洪支底厠鼎臣婉變董公惟亮天功大過之困

實撓實凶述哀紀第十一 孝平不造新都作宰不周不伊喪我四海述平紀第十二

漢初受命諸侯並政制自項氏十有八姓述異姓諸侯王表第一 太祖元勳啟立輔臣支庶藩

屏侯王並尊述諸侯王表第二

侯王之祚祿及宗子公族蕃滋支葉碩茂述王子侯表第三

受命之初贊功剖符奕世弘業爵土迺昭述高惠高后孝文功臣侯表第四

景征吳楚武興師

旅後昆承平亦有紹土述景武昭宣元成哀功臣侯表第五

亡德不報爰存二代宰相外戚昭

躋見戒述外戚恩澤侯表第六

漢迪於秦有革有因特舉僚職並列其人述百官公卿表第七

篇章博舉通於上下略差名號九品之敘述古今人表第八

元元本本數始於一產氣黃鍾造計秒忽八音七始五聲六律度量權衡歷算通出官失學微大家
分乖壹彼壹此庶研其幾述律歷志第一
上天下澤春雷奮作先王觀象爰制禮樂厥後崩壞

鄭衛荒淫風流民化洎洎紛紛略存大綱以統舊文述禮樂志第二

雷電皆至天威震耀五刑

之作是則是效威實輔德刑亦助教季世不詳背本爭末吳孫狙詐申商酷烈漢章九法太宗改作

輕重之差世有定籍述刑罰志第三

厥初生民食貨惟先割制廬井定爾土田什一供貢下富

上尊商以足用茂遷有無貨自龜貝至此五銖揚擢古今監世盈虛述食貨志第四

昔在上聖

昭事百神類帝禋宗望秩山川明德惟馨永世豐年季末淫祀營信巫史大夫臚岱侯伯僭時放誕

之徒緣間而起瞻前顧後正其終始述郊祀志第五

炫炫上天縣象著明日月周耀星辰垂精

百官立法宮室混成降應王政景以燭形三季之後厥事放紛舉其占應覽故考新述天文志第六
河圖命庖洛書賜禹八卦成列九疇道叙三代寶寶光演文武春秋之占咎徵是舉告往知來王事
之表述五行志第七

坤作墜執高下九則自昔黃唐經略萬國變定東西疆理南北三代損益

降及秦漢革劉五等制立郡縣略表山川彰其剖判述地理志第八

夏乘四載百川是導惟河

爲囂災及後代商竭周移秦決南涯自茲距漢北亡八支文陘棗野武作瓠歌成有平年後遂滂沱
爰及溝渠利我國家述溝洫志第九

虞義畫卦書契後作虞夏商周孔纂其業纂書刪詩綴禮

正樂彖系大易因史立法大學既登遭世罔弘羣言紛亂諸子相騰秦人是滅漢修其缺劉向司籍
九流以別爰著目錄略序洪烈述藝文志第十

上嫚下暴惟盜是伐勝廣燔起梁籍扇烈赫赫炎炎遂焚咸陽宰割諸夏命立侯王誅嬰放懷詐虐
以亡述陳勝項籍傳第一

張陳之交游如父子攜手遂秦拊翼俱起據國爭權還爲豺虎耳謀

甘公作漢藩輔述張耳陳餘傳第二

三桢之起本根既朽枯楊生華曷惟其舊橫雖雄材伏於

海陽沐浴尸鄉北面奉首旅人慕殉義過黃鳥述魏豹田儋韓信傳第三

信惟餓隸布實黥徒

越亦狗盜芮尹江湖雲起龍襄化爲侯王割有齊楚跨制淮梁綰自同閭鎮我北疆德薄位尊非昨惟殃吳克忠信後嗣迺長述韓彭英盧吳傳第四

賈廩從旅爲鎮淮楚澤王琅邪權激諸呂

之受吳疆土踰矩雖戒東南終用齊斧述荆燕吳傳第五

太上四子伯兮早夭仲氏王代旂宅

於楚戊寅淫缺平陸迺紹其在于京奕世宗正劬勞王室用侯陽成子政博學三世成名述楚元王

傳第六

季氏之詘辱身毀節信於上將議臣震栗欒公哭梁田叔殉趙見危授命誼動明主布

歷燕齊叔亦相魯民思其政或金或社述季布欒布田叔傳第七

高祖八子二帝六王三趙不

辜淮厲自亡燕靈絕嗣齊悼特昌掩有東土自岱徂海支庶分王前後九子六國誅斃適齊亡祀城

陽濟北後承我國赴赴景王匡漢社稷述高五王傳第八

猗與元勳包漢舉信鎮守關中足食

成軍營都立宮定制修文平陽元默繼而弗革民用作歌化我淳德漢之宗臣是謂相國述蕭何曹

參傳第九

留侯襲秦作漢腹心圖折武關解阨鴻門推齊銷印毆致越信招賓四老惟寧嗣君

陳公擾攘歸漢迺安斃范亡項走狄擒韓六奇旣設我罔艱難安國廷爭致仕杜門絳侯矯矯誅呂

尊文亞夫守節吳楚有勲述張陳王周傳第十

舞陽鼓刀滕公廐騶頴陰商販曲周庸夫攀龍

附鳳並乘天衢述樊鄴滕灌傳靳周傳第十一

北平志古司秦桂下定漢章程律度之緒建平

質直犯上千色廣阿之廩食厥舊德故安執節責通請錯蹇蹇帝臣匪躬之故述張周趙任申屠傳

第十二

食其監門長揖漢王畫襲陳留進收敖倉塞隘杜津王基以張賈作行人百越來賓從

容風議博我以文敬繇役夫遷京定都內強關中外和匈奴叔孫奉常與時抑揚稅介免胄禮義是

創或愆或謀觀國之光述鄴陸朱婁叔孫傳第十三

淮南僭狂二子受殃安辯而邪賜頑以荒

敢行稱亂窘世薦亡述淮南衡山濟北傳第十四

崩通壹說三雄是敗覆鄴驕韓田橫顛沛被

之拘繫迺成患害充躬罔極交亂弘大述蒯伍江息夫傳第十五

萬石溫溫幼寤聖君宜爾子

孫天天仲仲慶社於齊不言動民衛直周張淑慎其身述萬石衛直周張傳第十六

孝文三王

代孝二梁懷折亡嗣孝乃尊光內爲母弟外扞吳楚怙寵矜功僭欲失所思心旣霽牛飢告妖帝庸

親親厥國五分德不堪寵四支不傳述文三王傳第十七

賈生矯矯弱冠登朝遭文叡聖屢抗

其疏暴秦之戒三代是據建設藩屏以強守圉吳楚合從賴誼之慮述賈誼傳第十八

子綵慷

慨激辭納說檻轡正席顯陳成敗錯之瑣材智小謀大駭如發機先寇受害述爰盎晁錯傳第十九
釋之典刑國憲以平馮公矯魏增主之明長孺剛直義形於色下折淮南上正元服莊之推賢於茲
爲德述張馮汲鄭傳第二十 榮如辱如有機有樞自下摩上惟德之隅賴依忠正君子采諸述

賈鄒枚路傳第二十一

魏其翩翩好節慕聲灌夫矜勇武安驕盈凶德相挺旤敗用成安國壯

趾王恢兵首彼若天命此近人咎述竇田灌韓傳第二十二

景十三王承文之慶魯恭館室江

都諛輕趙敬險詖中山淫營長沙寂寞廣川亡聲膠東不亮常山驕盈四國絕祀河間賢明禮樂是

修爲漢宗英述景十三王傳第二十三

李廣恂恂實獲士心控弦貫石威動北鄰躬戰七十遂

死於軍敢怨衛青見討去病陵不引決忝世滅姓蘇武信節不詘王命述李廣蘇建傳第二十四

長平桓桓上將之元薄伐獫狁恢我朔邊戎車七征衝軻閑閑合圍單于北登闐顏驃騎冠軍焱勇

紛紜長驅六舉電擊雷震飲馬翰海封狼居山西規大河列郡祁連述衛青霍去病傳第二十五

抑抑仲舒再相諸侯身修國治致仕縣車下帷覃思論道屬書讜言訪對爲世純儒述董仲舒傳第

二十六

文豔用寡子虛烏有寓言淫麗託風終始多識博物有可觀采蔚爲辭宗賦頌之首述

司馬相如傳第二十七

平津斤斤晚躋金門既登爵位祿賜頗賢布衾蔬食用儉飭身卜式耕

牧以求其志忠寤明君迺爵迺試兒生臺臺東髮修學偕列名臣從政輔治述公孫弘卜式兒寬傳

第二十八

張湯遂達用事任職媚茲一人日旰忘食既成寵祿亦權咎歷安世溫良塞淵其德

子孫遵奉全祚保國述張湯傳第二十九

杜周治文唯上淺深用取世資幸而免身延年寬和

列于名臣欽用材謀有異厥倫述杜周傳第三十

博望杖節收功大夏貳師秉鉞身釁胡社致

死爲福每生作甌述張騫李廣利傳第三十一

嗚呼史遷薰胥以刑幽而發憤迺思迺精錯綜

羣言古今是經勒成一家大略孔明述司馬遷傳第三十二

孝武六子昭齊亡嗣燕刺謀逆廣

陵祝詛昌邑短命昏賀失據戾圜不幸宣承天序述武五子傳第三十三

六世耽耽其欲泚泚

文武方作是庸四克助偃淮南數子之德不忠其身善謀於國述嚴朱吾丘主父徐嚴終王賈傳第

三十四

東方瞻辭詼諧倡優譏苑扞偃正諫舉郵懷肉汙殿弛張沈浮述東方朔傳第三十五

葛繹內寵屈釐王子千秋時發宜春舊仕敝義依霍庶幾云已弘惟政事萬年容已咸睡厥誨孰爲

不子述公孫劉田楊王蔡陳鄭傳第三十六

王孫羸葬建迺斬將雲廷訐禹福逾刺鳳是謂狂

狷敝近其衷述楊胡朱梅云傳第三十七

博陸堂堂受遺武皇擁毓孝昭末命導揚遭家不造

立帝廢王權定社稷配忠阿衡懷祿耽寵漸化不詳陰妻之逆至子而亡程侯狄拏虔恭忠信奕世載德貽於子孫述霍光金日磾傳第三十八

兵家之策惟在不戰營平幡幡立功立論以不濟

可上諭其信武賢父子虎臣之俊述趙充國辛慶忌傳第三十九

義陽樓蘭長羅毘彌安遠日

逐義成郅支陳湯誕節救在三愆會宗勤事疆外之桀述傅常鄭甘陳段傳第四十

不疑膚敏

應變當理辭霍不婚遂遁致仕疏克有終散金娛老定國之祚於其仁考廣德當宣近於知恥述雋疏于薛平彭傳第四十一

四皓遁秦古之逸民不營不拔嚴平鄭真吉困於賀湜而不緇禹既

黃髮以德來仕舍惟正身勝死善道郭欽蔣詡近遜之好述王貢兩龔鮑傳第四十二

扶陽濟

濟聞詩聞禮元成退讓仍世作相漢之宗廟叔孫是謨革自孝元諸儒變度國之誕章博載其路述

韋賢傳第四十三

高平師師惟辟作威圖黜凶害天子是毗博陽不伐含弘光大天誘其衷慶

流苗裔述魏相丙吉傳第四十四

占往知來幽贊神明苟非其人道不虛行學微術昧或見彷彿

疑殆匪闕違眾迂世淺爲尤悔深作敦害述睦兩夏侯京翼李傳第四十五

廣漢尹京克聰

克明延壽作翊旼和且平矜能許上俱陷極刑翁歸承風帝揚厥聲敝亦平平文雅自贊尊實赳赳
邦家之彥章死非辜士民所嘆述趙尹韓張兩王傳第四十六 寬饒正色國之司直豐繁好剛

輔亦慕直皆陷狂狷不典不式崇執言責隆持官守寶曲定陵並有立志述蓋諸葛劉鄭毋將孫何
傳第四十七 長倩懷懷覲霍不舉過宣迺拔傳元作輔不圖不慮見蹟石許述蕭望之傳第四

十八 子明光光發迹西疆列於禦侮厥子亦良述馮奉世傳第四十九 宣之四子淮陽聰

敏舅氏遷祿幾陷大理楚孝惡疾東平失軌中山凶短母歸戎里元之二王孫後大宗昭而不穆大
命更登述宣元六王傳第五十 樂安襲襲古之文學民具爾瞻困於二司安昌貨殖朱雲作娉

博山敦慎受莽之疚述匡張孔馬傳第五十一 樂昌篤實不撓不屈遘閔旼多是用廢黜武陽

殷勤輔導副君旼忠且謀饗茲舊勳高武守正因用濟身述王商史丹傳喜傳第五十二 高陽

文法揚鄉武略政事之材道德惟薄位過厥任鮮終其祿博之翰音鼓妖先作述薛宣朱博傳第五

十三 高陵修儒任刑養威用合時宜器周世資義得其勇如虎如貔進不跬步宗爲黥覲述翟

方進傳第五十四 統微政缺災眚屢發永陳厥咎戒在三七鄰指丁傳略窺占術述谷永杜鄴

傳第五十五

哀平之卹丁傳莽賢武嘉戚之乃喪厥身高樂廢黜咸列貞臣述何武王嘉師丹

傳第五十六

淵哉若人實好斯文初擬相如獻賦黃門輟而覃思草法纂元斟酌六經放易象

論潛于篇籍以章厥身述揚雄傳第五十七

獷獷亡秦滅我聖文漢存其業六學析分是綜是

理是綱是紀師徒彌散著其終始述儒林傳第五十八

誰毀誰譽譽其有試泯泯羣黎化成良

吏淑人君子時同功異沒世遺愛民有餘思述循吏傳第五十九

上替下陵姦軌不勝猛政橫

作刑罰用興曾是強圉掎克爲雄報虐以威殃亦凶終述酷吏傳第六十

四民食力罔有兼業

大不淫侈細不匱乏蓋均無貧遵王之法靡法靡度民肆其詐僞上并下荒殖其貨侯服玉食敗俗

傷化述貨殖傳第六十一

開國承家有法有制家不臧甲國不專殺矧乃齊民作威作惠如台

不匡禮法是謂述游俠傳第六十二

彼何人斯竊此富貴營損高明作戒後世述佞幸傳第六

十三

於惟帝典戎夷猾夏周宣攘之亦列風雅宗幽既昏淫於褒女戎敗我驪遂亡酈酈大漢

初定匈奴強盛圍我平城寇侵邊境至於孝武爰赫斯怒王師雷起霆擊朔野宣承其末迺施洪德

震我威靈五世來服王莽竊命是傾是覆備其變理爲世典式述匈奴傳第六十四

西南外夷